

# TÌTOLU I

## PRINCÌPIUS GENERALIS

### ART. 1-

#### Autonomia Statutària

1. *Su Comunu de Pula est unu Enti Locali autònomu, espressat sa comunidadi cosa sua, ndi curat is interessus e ndi promovit sa crèschida.*
2. *Su Comunu si serbit de sa autonomia cosa sua, tenendi contu de sa Costituzioni e de is principius generalis de s'ordinamentu, po ndi sboddiai is atividadi cosa sua e sighiri sa tarea cosa sua.*
3. *Su Comunu rapresentat sa comunidadi de Pula me is raportus cun su Stadu, cun sa Regioni, cun sa Provìncia de Casteddu e cun is àterus Entis o sugetus pùblicus o privaus e, in su chi pertocat is tentas ingitadas in custu statutu, cara a sa comunidadi internatzionali.*
4. *Sa lingua sarda che sienda de sa Comunidadi locali tenit amparu in s'espressada cosa sua segundu su connotu siat cumentu lingua iscrita siat cumentu lingua fueddada. Su Comunu de Pula assigurat su imperu de sa lingua sarda cumentu narat de sa L.R. 15.10.97, n. 26. Su Sindigu, is Assessoris e is Cuntzilleris podint fueddai in sardu candu arrelatant in su contzillu, tenendi a cura de scriri in italianu unu resùmini de su chi ant nau. Po cantu at a fai, s'at a aguantai su nòmini antigu de is logus e de is bixinaus in lingua sarda, segundu su rigori de su connotu stòricu e filològicu.*

### ART. 2-

#### Finalidadi

1. *Su Comunu promovit su irvilupu e sa crèschida civili, sociali e econòmicu de sa comunidadi de Pula cunformu a is idealis e is tentas de sa Costituzioni.*
2. *Su Comunu circat s'agiudu torrau de is àterus sogetus pùblicus e privaus e promovit sa partecipazioni de is tzitadinus, de is assòcius, e de is fortzas socialis e econòmicas a is fainas aministrativas.*
3. *Su Comunu promovit e amparat s'assètiu abilantzau de su territòriu e cuncurrit, impari cun is àteras istituzionis natzionalis e internatzionalis, a s'amparu cosa sua, assigurendi, in su chi pertocat su impreu de is risorsas, unu impreu chi potzat essi apoderau e chi potzat essi echilibrau, s'amparu de sa saludi de is tzitadinus; su Comunu est in acòrdiu cun su chi narat sa Carta de Alboorg.*